



ქართული
კანათბურთი

ღებულება

18-წლამდელთა რეაზიომნები B დიპე



AS
წლამდელთა

სეზონი 2023-2024

GBF.GE



თავი I - ზოგადი დებულებები

წინამდებარე დებულება ვრცელდება 2023-2024 წლების სეზონის 18-წლამდელთა ბ-ლიგის ჩემპიონატზე

მუხლი 1. ჩემპიონატის ჩატარების უფლება

ჩემპიონატის ჩატარების ექსკლუზიურ უფლებას ფლობს საქართველოს კალათბურთის ეროვნული ფედერაცია (შემდგომში "ს.კ.ე.ფ").

მუხლი 2. თამაშების ჩატარების წესები

ჩემპიონატი ტარდება „კალათბურთის ოფიციალური წესების“ და წინამდებარე დებულების შესაბამისად. ჩემპიონატის ყველა მონაწილე ვალდებულია გაეცნოს და შეასრულოს „კალათბურთის ოფიციალური წესების“ და წინამდებარე დებულების მოთხოვნები.

მუხლი 3. ჩემპიონატის ორგანიზების და ჩატარების ხელმძღვანელობა

ჩემპიონატის ორგანიზებას და ჩატარებას ხელმძღვანელობს "ს.კ.ე.ფ" სამეჯბრო განყოფილების მეშვეობით.

თავი II - ჩემპიონატის ჩატარების მიზნები

მუხლი 4. ჩემპიონატის ჩატარების მიზნები და ამოცანები

- საქართველოში კალათბურთის შემდგომ პოპულარიზაციას და განვითარებას;
- მოზარდ კალათბურთელთა ოსტატობის დონის ამაღლებას;
- 18-წლამდელთა ნაკრები გუნდისთვის კანდიდატთა შერჩევას;
- უძლიერესი გუნდების გამოვლენას;

თავი III - ჩემპიონატებში გუნდების დაშვების წესი

მუხლი 5. დაშვების პირობები

5.1. გუნდები ჩემპიონატში დაიშვებიან 2022-2023 წლების სეზონის საქართველოს 18-წლამდელთა ჩემპიონატის შედეგების მიხედვით.

- 2023-2024 წლების სეზონის 18-წლამდელთა ჩემპიონატის ბ-ლიგაში მონაწილეობას მიიღებს 24 გუნდი

შენიშვნა: ბ-ლიგის თამაშები ჩატარდება ქ.თბილისში

ჩემპიონატებში მონაწილეობის მისაღებად თითოეული გუნდი ვალდებულია:

- 5.2. 2023 წლის 31 ოქტომბრამდე დაადასტუროს ჩემპიონატში მონაწილეობა.
- 5.3. წარმოადგინოს ელექტრონული განაცხადი დადგენილი ფორმით 2023 წლის 17 დეკემბრამდე.
- 5.4. გუნდს უფლება აქვს განაცხადში შეიყვანოს და მიიღოს ლიცენზია არა უმეტეს 16 (თექვსმეტი) მოთამაშესა და 6 (ექვს) ოფიციალურ პირზე.
- 5.5. 2023-2024 წლების სეზონის ჩემპიონატში მონაწილეობას მიიღებენ 2006-2007 წლებში დაბადებული კალათბურთელები.
- 5.6. თითოეულ გუნდს 16-კაციან განაცხადში შეიძლება ჰყავდეს მაქსიმუმ 8 კალათბურთელი ქვედა ასაკობრივი ჯგუფიდან (იგულისხმება 2008წლიანი 4-მოთამაშე, 2009წლიანი 3-მოთამაშე, 2010წლიანი 2-მოთამაშე და 2011წლიანი 1-მოთამაშე).
- 5.7. თითოეულ გუნდს თამაშის განაცხადში შეუძლია შეიყვანოს მხოლოდ თავისი ასაკობრივი გუნდებიდან არა უმეტეს 4 (ოთხი) მოთამაშისა. დასაშვებია მათი შეცვლა სხვა მოთამაშეებით ნებისმიერ თამაშზე.
- 5.8. გუნდის განაცხადში შეყვანილ მოთამაშეს უფლება აქვს ერთდროულად ითამაშოს საქართველოს ასაკობრივ ჩემპიონატებში (2 ასაკობრივ ლიგაში) მხოლოდ თავისი კლუბის ასაკობრივი კატეგორიის გუნდში.
- 5.9. ბ-ლიგის განაცხადში შეყვანილ მოთამაშეს უფლება აქვს ითამაშოს მხოლოდ ა-ლიგაში, (თავისი კლუბის ვერტიკალში) მისი დამატება 18 წლამდე ც-ლიგის ჩემპიონატში მონაწილე თავისი კლუბის ვერტიკალში (ასეთი გუნდის ყოლის შემთხვევაში) აკრძალულია.
- 5.10. გუნდმა მატჩის კომისარს უნდა წარუდგინოს როგორც 18-წლამდელთა გუნდის მოთამაშეთა ლიცენზიები, ასევე ქვედა ასაკობრივი კატეგორიების გუნდის იმ მოთამაშეთა ლიცენზიები, რომლებიც აპირებენ მონაწილეობის მიღებას მატჩში.
- 5.11. გუნდი ვალდებულია წარმოადგინოს მოთამაშის დაბადების ან პირადობის მოწმობის ასლი.
- 5.12. თუ საქართველოს ნაკრები გუნდის წევრი არასაპატიო მიზეზით არ გამოცხადდება ნაკრების შეკრებაზე ის ჩემპიონატის თამაშებზე იქნება დისკვალიფიცირებული.
- 5.13. მოთამაშეები ჩემპიონატში დაიშვებიან მხოლოდ სპეციალური სამედიცინო შემოწმების შემდეგ და თუ კლუბი, გუნდი არ წარმოადგენს სამედიცინო ცნობას შესაბამისი დაწესებულებიდან, კლუბი იღებს მოთამაშის ჯამრთელობის პასუხისმგებლობას ჩემპიონატის მსვლელობისას.
- 5.14. გუნდი ვალდებულია შემოიტანოს 18 წლამდელთა ბ-ლიგის სამონაწილეო თანხა **750 ლარი 2024 წლის 15 თებერვლამდე.**
- 5.15. ჩემპიონატში მონაწილეობასთან დაკავშირებული ყველა ფინანსური ანგარიშსწორება უნდა მოხდეს "ს.კ.ე.ფ"-ს საბანკო ანგარიშზე.

საქართველოს კალათბურთის ეროვნული ფედერაციის რეკვიზიტები:

საფოსტო: 0162, ქ.თბილისი, ჭავჭავაძის გამზირი 49ა.
 საბანკო: GE96BG000000182449001
 ბანკის კოდი: BAGAGE22;
 ს/კ: 204851838
 ტელეფონი: 032 23 53 84; 593 95 95 73; 599 2122 11; 558 786 954;
 ელ.ფოსტა: nkhutsishvili13gmail.com

მუხლი 6. მოთამაშეთა დამატება განაცხადში

- 6.1. რეგულარული ჩემპიონატის დაწყების შემდეგ მოთამაშეების გუნდიდან გუნდში გადასვლა აკრძალულია.
- 6.2. გუნდმა შეიძლება დაიმატოს რეგულარული ჩემპიონატში არალიცენზირებული მოთამაშე პლეიოფის დაწყებამდე.
- 6.3. გუნდზე გაცემული მოთამაშის ლიცენზია, მიუხედავად იმისა, მიიღო თუ არა მოთამაშემ მონაწილეობა რეგულარული ჩემპიონატის მატჩში, გუნდს ეთვლება ლიმიტში. მის ნაცვლად დამატებითი ლიცენზია არ გაიცემა.

თავი IV - მოთხოვნები მონაწილეთა მიმართ

მუხლი 7. მოთამაშეები

- 7.1. ბ-ლიგის ჩემპიონატში მონაწილეობის უფლება აქვთ მხოლოდ გუნდის განაცხადში შეყვანილ მოთამაშეებს;
- 7.2. სათამაშო ფორმა უნდა შეესაბამებოდეს "კალათბურთის ოფიციალური წესების" მოთხოვნებს
- 7.3. თითოეულ გუნდს უნდა ჰქონდეს სათამაშო ფორმის მინიმუმ ორი კომპლექტი, რომლებიც უნდა შეესაბამებოდეს კალათბურთის ეროვნული ფედერაციის მიერ მიღებულ „სათამაშო ფორმის სტანდარტის“ მოთხოვნებს. ერთი კომპლექტი – ღია ფერის და მეორე კომპლექტი – მუქი ფერის. მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – "ს.კ.ე.ფ"-თან შეთანხმების შემთხვევაში).
- 7.4. გუნდს თამაშზე აუცილებლად უნდა ჰქონდეს მინიმუმ ორი სათამაშო ბურთი.
- 7.5. მოთამაშის სათამაშო ნომრის შეცვლა ჩემპიონატის ბოლომდე დაუშვებელია;

მუხლი 8. მწვრთნელები, გუნდის თანმხლები პირები

- 8.1. თამაშის მსვლელობისას გუნდის სათადარიგოთა სკამზე დაჯდომის უფლება აქვთ თამაშის ოქმში შეყვანილ მოთამაშეებს (12 (თორმეტი) მოთამაშეს), მწვრთნელთა შტაბის 3 (სამი) და მედპერსონალის 3 (სამი) წარმომადგენლებს.
- 8.2. სეზონის განმავლობაში მწვრთნელი შეიძლება იყოს შეყვანილი მხოლოდ ერთი გუნდის განაცხადში.

მუხლი 9. მსაჯები და მსაჯები მაგიდასთან

- 9.1. ჩემპიონატის თითოეულ თამაშს ემსახურება 2(ორი) ან 3(სამი) მსაჯი, კომისარი და მაგიდასთან მსაჯების ჯგუფი რვა კაცის შემადგენლობით (მდივანი, ანგარიშ დამთვლელი(ტაბლო), დროის ოპერატორი, 24 წამის ოპერატორი, სამი ან ორი სტატისტიკოსი და მსაჯი-ინფორმატორი).

თავი V - ჩემპიონატის ჩაბარების დრო და სისხვევა

მუხლი 10. რეგულარული სეზონი

- 10.1. 2023-2024 სეზონის 18-წლამდელთა ბ-ლიგის ჩემპიონატი დაიწყება 2023 წლის 16 დეკემბერს და დამთავრდება არაუგვიანეს 2024 წლის 15 ივნისისა თანახმად "ს.კ.ე.ფ."-ს მიერ დამტკიცებული კალენდრისა.
- 10.2. თამაშები ჩატარდება ქალაქ თბილისის სპორტდარბაზებში, რომლებიც შერჩეულ იქნება "ს.კ.ე.ფ."-ს გადაწყვეტილებით.
- 10.3. თუ დაშვებული გუნდებიდან რომელიმე განაცხადებს უარს მონაწილეობაზე, ის აღარ დაიშვება მომავალი წლის ჩემპიონატზე.

10.4. მონაწილე გუნდები:

A-ჯგუფი	B-ჯგუფი	C-ჯგუფი	D-ჯგუფი	E-ჯგუფი	F-ჯგუფი
1. გორი	5. დოლა	9. ქუთაისი 2	13. რუსთავი 2	17. ივერიონი	21. რუსთავი არწივი
2. ვსა	6. აკადემია	10. მართვე	14. მეგა	18. მუხბე	22. ქარი
3. თბ.ბასკეტი 2	7. ჰიუნდაი 2	11. ვინგსი 2	15. დინამო 2	19. ზფა 2	23. ბრუკლინი 2
4. გიგანტი	8. ბრუკლინი 3	12. ვსა 2	16. მართვე 2	20. ელვა	24. ვინგსი 3

შენიშვნა: ჯგუფუხ ეგაპზე თანაბარი ქულების დაგროვების შემთხვევაში, უპიჩაგესობა მიენიჭება უხითიქთშეხვედხებს, თუ უხითიქთ შეხვედხებში ნაჩვენები შედეგი თანაბარია, შემდგომ ბუხთების სხვაობას.
 - თუ სამმა (ან მეტმა) გუნდმა დააგროვა თანაბარი ხაოდენობის ქულები, ყველა ამ გუნდს შოხის დაითვდება უხითიქთშეხვედხები. შემდგომ ბუხთების სხვაობა. შემდგომ ჩაგდებული ბუხთები.

10.5. შეჯიბრება ჩატარდება ორ ეტაპად.

პირველი ეტაპი:

-შეჯიბრებაში მონაწილე ყველა (24) გუნდი გადანაწილდება ექვს-(6) ოთხგუნდიან-(4) ქვეჯგუფში და ითამაშებენ (2)წრედ

მეორე ეტაპი. პლეიოფი. მეოთხედფინალი:

- ქვეჯგუფებში 2-2 საუკეთესო პირველ-მეორე და საუკეთესო 4 მესამეადგილოსანი გუნდი ითამაშებს მერვედფინალებს.
- აღნიშნულ 16 გუნდს ნაჩვენები შედეგების კლასიფიკაციის მიხედვით მიენიჭება ნომრები (A1, A2, A3, A4, A5, A6, A7, A8, A9, A10, A11, A12 – საუკეთესო პირველ და მეორეადგილოსნები და A13, A14, A15, A16 – 4 საუკეთესო მესამეადგილოსანი შედეგების მიხედვით)
- მერვედფინალურ შეხვედრებში გამარჯვებული გუნდები გამოვლინდება ორი მატჩის ჯამში.

-მერვედფინალში გუნდები დაწყვილებიან შემდეგნაირად:

- I-წყვილი A1 – A16 V-წყვილი A5 – A12
- II-წყვილი A2 – A15 VI-წყვილი A6 – A11
- III-წყვილი A3 – A14 VII-წყვილი A7 – A10
- IV-წყვილი A4 – A13 VIII-წყვილი A8 – A9

ორ-(2)მატრის ჩატარების წესი:

- თუკი გუნდები სერიაში თითო მატრს მოიგებენ, უპირატესობა ბურთების შეფარდებას მიენიჭება.
- სერიაში დასაშვებია მატრის ფრედ დასრულება.
- თუკი ორი მატრის ჯამში გუნდებს ექნებათ ბურთების თანაბარი შეფარდება, დაინიშნება დამატებითი პერიოდი (პერიოდები) და სერიაში გამარჯვებულად გამოცხადდება გუნდი, რომელსაც დამატებითი პერიოდის (პერიოდების) დასრულების შემდეგ ექნება ბურთების უკეთესი შეფარდება.

შენიშვნა: ერთ ქვეჯგუფში მყოფი გუნდები პლეიოფის მეოთხედფინალში ერთმანეთს ვეი დაუპირისპირდებიან. აღნიშნულს შემთხვევაში მოხდება წყვილთა ცვლილება "ს.კ.ე.ფ" საშეჯიბრო განყოფილების გადაწყვეტილებით.

მეოთხედფინალი:

- მერვედფინალში გამარჯვებული გუნდები მეოთხედფინალში დაწყვილდებიან შემდეგნაირად:

- I - წყვილის გამარჯვებული vs VIII - წყვილის გამარჯვებული
- IV - წყვილის გამარჯვებული vs V - წყვილის გამარჯვებული
- II - წყვილის გამარჯვებული vs VII - წყვილის გამარჯვებული
- III - წყვილის გამარჯვებული vs VI - წყვილის გამარჯვებული

ნახევარფინალი

- მეოთხედფინალში გამარჯვებული კლუბები დაუპირისპირდებიან ერთმანეთს ნახევარფინალში და ორმატრიან დაპირისპირებაში გაარკვევენ ბ-ლიგის ორი (2) ფინალისტის ვინაობას.
- მეოთხედფინალში გამარჯვებული გუნდები დაწყვილდებიან შემდეგნაირად:

წყვილი 1 გამარჯვებული vs **წყვილი 4** გამარჯვებული
წყვილი 2 გამარჯვებული vs **წყვილი 3** გამარჯვებული

ფინალი და ა-ბ ლიგებს შორის ამოსასვლელი/დასარჩენი მატრები

- ფინალური შეხვედრა შედგება 2 მოგებად. ფინალში გამარჯვებული გუნდი ავტომატურად მოიპოვებს **ა-ლიგის საგზურს**. ხოლო დამარცხებული გუნდი შეხვდება **ა-ლიგაში ბოლოს წინა, მეცამეტე (13),** ადგილზე გასულ გუნდს, და **2 მატრის ჯამში** გაარკვევს **ა-ლიგაში ამსვლელი/დამრჩენი გუნდის ვინაობას.**

მატრი მესამე ადგილისთვის და ა-ბ ლიგებს შორის ამოსასვლელი/დასარჩენი მატრები

- ბ-ლიგაში, მესამე ადგილისთვის მატრში გამარჯვებული გამოვლინდება 2 მატრის ჯამში. წყვილში გამარჯვებული გუნდი კი ა-ლიგაში მე-12 ადგილზე გასულ კლუბთან დაპირისპირებაში 2 მატრის ჯამში გაარკვევს ა-ლიგაში ამსვლელი/დამრჩენი გუნდის ვინაობას.

B2-A13 A12-B3

შენიშვნა: ბ-ლიგის ხეგუდახუდი სეზონის ქვეჯგუფიდან პლეიოფში გადასვლა შეეძლება ერთი სკოლის ორი გუნდს, თუმცა იმ შემთხვევაში თუ სკოლა/კლუბს **ა-ლიგაში** უკვე ჰყავს გუნდი, „ბ“ ლიგის პლეიოფში მათი გამაჩვენების შემთხვევაში მას ჩივილობით, კლასიფიკაციის მიხედვით, მის ქვემოთ მყოფი გუნდი ჩაანაცვლებს. **ა-ლიგაში** გადავა გუნდი ა, ბ, ც ლიგების ახალი სისტემის და პრინციპებით **(იხილეთ დანართი 1)**

თქვი VI - დისციპლინარული სანქციები ჩემპიონატის მსვლელობისას

მუხლი 11. დისციპლინარული დარღვევები და სასჯელები

დისციპლინარული სასჯელის ზომას დებულებით დადგენილ ფარგლებში განსაზღვრავს "სადისციპლინო ტექნიკური კომისია".

- გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს და გუნდის სხვა თანმხლებ პირებს ეკისრებათ პასუხისმგებლობა ქვეყნის წესების დაცვაზე მატრამდე, მატრის მსვლელობისას და მატრის დამთავრების შემდეგ. წესების დარღვევისათვის დადგენილია შემდეგი სასჯელები:

11.1 ტექნიკური ჯარიმისთვის მოთამაშე ან მწვრთნელი მატრის მსვლელობისას დაჯარიმდება სტანდარტულად, ხოლო ჩემპიონატის მსვლელობისას 9 ტექნიკური ჯარიმის დაგროვების შემთხვევაში, მოთამაშეს ან მწვრთნელს შეუჩერდება ჩემპიონატში მონაწილეობის ლიცენზია.

შენიშვნა: სანქცია ახ ვხცვდება იმ ტექნიკურ ჯარიმებზე, რომლებსაც მოთამაშეები მიიღებენ ეგზედ წოდებული „ფეიკისთვის“ (Fაკე).

11.2 შეურაცხყოფა სიტყვით ან ჟესტით:

11.2.1 მსაჯების, კომისრის, მსაჯ-მდივანების, მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორ (2) თამაშამდე.

11.2.2 სეზონის განმავლობაში განმეორებითი დარღვევისთვის – დისკვალიფიკაცია ორიდან (2) ოთხ (4) თამაშამდე.

11.2.3 სეზონის განმავლობაში მესამე მსგავსი დარღვევისთვის – დისკვალიფიკაცია ხუთიდან (5) ათ (10) თამაშამდე.

11.3. თამაშში ულიცენზიო მოთამაშის მონაწილეობისათვის გუნდს ჩაეთვლება წაგება „თამაშის უფლების ჩამორთმევით“ ანგარიშით 0:20 და დაენერება 0 ქულა.

11.4. თუ ლიცენზიის გაცემის შემდეგ გამოვლინდა ასაკობრივი დარღვევის ფაქტი, მოთამაშე დისკვალიფიცირებული იქნება ერთი წლით, გუნდს ჩაეთვლება წაგება იმ თამაშებში, რომელშიც მიიღო მონაწილეობა ამ მოთამაშემ, ხოლო მწვრთნელს ორი წლით აეკრძალება გუნდის ხელმძღვანელობა "ს.კ.ე.ფ."-ს ეგიდით ჩატარებულ შეჯიბრებებში.

11.5. თუ მოთამაშე გაძევებულია მოედნიდან მსაჯთან შეკამათების გამო ის უნდა იქნეს დისკვალიფიცირებული მინიმუმ 1(ერთი) თამაშით.

11.6 ფიზიკური შეურაცხყოფა:

11.6.1 "შეურაცხყოფელი ფიზიკური კონტაქტი"

11.6.1.1 მსაჯების, კომისრის, მსაჯ-მდივანების მიმართ – დისკვალიფიკაცია ორიდან (2) ხუთ (5) მატრამდე.

11.6.1.2 მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორ (2) თამაშამდე და ჯარიმა.

11.6.2 "უხეში ფიზიკური შეურაცხყოფა":

11.6.2.1 მსაჯების, კომისრის, მსაჯ-მდივანების მიმართ – დისკვალიფიკაცია ხუთიდან (5) ათ (10) მატრამდე.

11.6.2.2 მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორიდან (2) ოთხ (4) თამაშამდე.

11.7 მსაჯის მიერ თამაშიდან გაძევებული მოთამაშე, მწვრთნელი, მწვრთნელის თანაშემწე ან გუნდის თანმხლები პირი ავტომატურად ექვემდებარება დისკვალიფიკაციას მომდევნო ერთი თამაშით, თუ დანაშაულის სიმძიმე არ ითვალისწინებს უფრო მკაცრ სასჯელს.

11.8 დისციპლინის დარღვევასთან დაკავშირებულ სადისციპლინო-ტექნიკური კომისიის სხდომაზე მიწვეულ პირს არასაპატიო მიზეზით გამოცხადებლობის შემთხვევაში დაეკისრება ჯარიმა ასი (100) ლარის ოდენობით.

11.9 იმ შემთხვევაში, თუ დასჯილი მწვრთნელი, ან მოთამაშე მონაწილეობენ სხვა ასაკობრივ ჩემპიონატებში, მათ დამატებით აღნიშნულ ტურნირებში დაეკისრებათ დისკვალიფიკაცია ორ (2) თამაშამდე. თუ დისკვალიფიკაციის ვადა აღემატება სეზონის ბოლომდე გათვალისწინებული კალენდარული თამაშების რაოდენობას, დარჩენილი სასჯელი გადადის მომდევნო სეზონში.

11.10 გუნდის ოფიციალური პირების (ხელმძღვანელობა, მენეჯერი) არასპორტული ქცევა:

11.10.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ ჯარიმა 2000 (ორი ათასი) ლარი.

11.11.2 სეზონის განმავლობაში იგივე დარღვევის განმეორებისათვის – ჯარიმა 3000 (სამი ათასი) ლარი

11.12 იმ შემთხვევაში, თუკი გუნდი არ გამოცხადდება ან უარს იტყვის თამაშზე ან თამაშის გაგრძელებაზე:

-პირველი დარღვევისთვის – გუნდს ჩაეთვლება წაგება „უფლების ჩამორთმევით“ და ჯარიმა 400(ოთხასი) ლარით.

-იგივე დარღვევის განმეორებისას გუნდს ეძლევა დისკვალიფიკაცია სეზონის ბოლომდე და ჯარიმდება 2000 (ორი ათასი) ლარით.

11.13 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის მოყვანილი 11-ე მუხლში, განიხილება ს.კ.ე.ფ-ს გამგეობის მიერ.

11.14 განსაკუთრებულ შემთხვევაში ს.კ.ე.ფ-ს სადისციპლინო-ტექნიკური კომისია უფლებამოსილია, თავის შეხედულებისამებრ, გაზარდოს ან შეამციროს სასჯელი დარღვევის სიმძიმის გათვალისწინებით.

11.15 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდევნო თამაშამდე, წინააღმდეგ შემთხვევაში თამაშის კომისარს ეკრძალება მათი დაშვება მომდევნო თამაშზე.

11.16 ზემოხსენებული ჯარიმების არადროულად გადახდაზე მთელი პასუხისმგებლობა ეკისრება გუნდის (კლუბის,გუნდის) ხელმძღვანელობას.

თაში VII - ფედერაციის და გუნდების ხარჯები ჩემპიონატის ჩატარებისას

მუხლი 12. ფედერაციის ხარჯები ჩემპიონატის ჩატარებისას

"ს.კ.ე.ფ" გაიღებს შემდეგ ხარჯებს:

- მსაჯების, კომისრის და მსაჯ-მდივანთა ბრიგადის მგზავრობის და თამაშის მომსახურების ხარჯებს.

- სხვა საჭირო საორგანიზაციო ხარჯებს.

მუხლი 13. გუნდის ხარჯები ჩემპიონატის ჩატარებისას

13.1. ბ-ლიგის ჩემპიონატის თამაშებზე სხვა ქალაქში მივლინების ხარჯებს იხდის მიმავლინებელი ორგანიზაცია.

თაში VIII - პროტესტი

მუხლი 14. პროტესტის შეტანის წესი

14.1. პროტესტი "ს.კ.ე.ფ"-ში შედის წერილობითი ფორმით და „კალათბურთის ოფიციალურ წესებში“ ჩამოყალიბებული პროცედურების დაცვით.

14.2. პროტესტის შემომტანი გუნდი იხდის წინასწარ თანხას 100 (ასი) ლარის ოდენობით. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

14.3. გუნდის პროტესტის განხილვის პირველ ინსტანციას წარმოადგენს "ს.კ.ე.ფ"-ს საშეჯიბრო დეპარტამენტი.

14.4. თუ გუნდი არ ეთანხმება პირველი ინსტანციის გადაწყვეტილებას, პროტესტს განიხილავს "ს.კ.ე.ფ"-ს გამგეობა. ამ შემთხვევაში წინასწარ გადახდილი თანხის რაოდენობა იზრდება 200 (ორასი) ლარამდე.

პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

თაში IX - ღაჯილდოება

მუხლი 15. გუნდების მოთამაშეების, მწვრთნელების და თანმხლები პირების დაჯილდოება

15.1. გუნდი, რომელიც ჩემპიონატში დაიკავებს პირველ ადგილს, ენიჭება საქართველოს 2023-2024 წლების სეზონის ბ - ლიგის ჩემპიონის წოდება.

15.2. გუნდის მოთამაშეები, მწვრთნელი, მწვრთნელის თანაშემწე და ექიმი ჯილდოვდებიან ჩემპიონის ოქროს მედლებით, არაუმეტეს 18 კაცისა.

15.3. გუნდების მოთამაშეები, მწვრთნელები, მწვრთნელის თანაშემწეები და ექიმები ჯილდოვდებიან ვერცხლის და ბრინჯაოს მედლებით, არაუმეტეს 18 კაცისა თითოეული გუნდიდან.

